

D. A. G.
DISSERTATIO
HISTORIAM
BIBLIOTHECÆ
REGIÆ ACADEMIÆ ABOËNSIS
EXPONENS;

CUJUS PARTICULARAM PRIMAM,
Conf. Ampl. Fac. Phil. in illustri ad Auram Lyceo,
Publico examini subjiciunt

AUCTOR
HENRICUS GABRIEL
PORTHAN,

Eloquent. Docens atque Amanuensis Bibliothecæ,

ET RESPONDENS
JONAS BERGSTEN,

Stipendiarius Wahlianus,
Ostrobothnienses,

In AUDITORIO MAJORI Die XXVII. Junii An.
MDCCCLXXI.

H. A. M. C.

ABOÆ
Impressit JOHANNES CHRISTOPHORUS FRENCKELL.

SÆ R:Æ M:TIS

SUMMÆ FIDEI VIRO,

REGIS REGNIQUE SVEO-GOTHICI SENATORI,

REGIÆ CANCELLARIÆ PRÆSIDI,

SUPREMO AULÆ REGIÆ PRÆFECTO,

REGIÆ ACADEMIÆ ABOËNSIS
CANCELLARIO,

ORDINUM REGIORUM EQUITI,

COMMENDATORI ac CANCELLARIO,

CELSISSIMO ATQUE ILLUSTRISSIMO
COMITI,

DOMINO

CLAUDIO
EKEBLAD,

MÆCENATI SUMMO.

* * * *

Ignosce mitis, quod mea pagina
Audet gerentem pro Patria graves
Curas, adire TE, TUOSQUE
Ante oculos male culta prodit.

Gazam conatur pandere sedula,
Amœna musarum arva colentibus
Sacram, TUO lætis favore
Hic studiisque bonis dicatam;

Quam liberalis munere splendido
Auxisti, & almæ pignora gratiæ
Quæ continet, TUÆQUE curæ
Maxima tot monumenta servat.

Audaciam quod addidit & mihi
Sacrandæ opellæ, VIR, TIBI, MAXIME,
Nostrisque, MÆCENAS, camoenis,
Usque pio celebrande plectro!

ILLUSTRISSIMÆ EXCELLENTIÆ TUÆ
Cliens devotissimus
HENRICUS GAB. PORTHAN,



PRÆFATIO.

Quamquam neque multitudine librorum & præstanti delectu, nec pretiosorum gloria voluminum codicumve, Bibliotheca quam Regia possidet Academia Aboensis, perpetua paupertute multisque saepe aliis conflictata malis, paliam cæteris, etjam intra Patriam, celebrioribus librorum collectionibus, dubiam reddere valet; unica tamen hactenus in his oris Bibliotheca publica, quæ quidem ea digna sit appellatione, quin diligentius quam hucusque factum cognosci, eruditorumque quasi ante oculos collocari, multis nominibus mereatur, dubitari haud potest. Quamobrem non inanem, sed gratam potius literarum curiosis, & ad illustrandam Historiam Patriæ Literariam pertinentem, nec ipsi etjam Bibliothecæ nostræ plane inutilem susceptum iri operam putamus, si fata ejus faciesque luci breviter exponantur publicæ; quo pacto occasio etjam simul habebitur opportuna, memoriarum Augustorum, Illustrium, reliquorumque de re Literaria optime meritorum celebris hujus Lycei beneficorum, grates persolvendi debitas, qui sua munificentia atque

atque liberalitate, ad librariam nostram supellectilem augendam ornandamque, & musas sic nostras immortalis beneficio devinciendas, generose & laudabiliter contulerunt; qui quamvis non multi admodum haec tenus fuerint, eo tamen majori a nobis veneratione mentisque gratissimae affectu coli merito debent. Suscepere atque hanc telam diligenter pertexendam, Thesauri nostri huius literarii non ita pridem Praefectus meritissimus, Cel. D. Mag. *Henricus Hyllein*; qui nisi ad aliam delatus stationem, gravioribus curis ab ea persequenda fuisse impeditus, dubium non est quin eruditissime eam spartam fuisse ornatus: sed cum illius a musis nostris discessu, spe ista excidisset, atque per septem fere hos annos cum librario hocce penu arctius habens commercium, aliquam mihi suam fatorumque suorum notitiam compararem, animum eidem consilio exsequendo, Historiaeque Bibliothecæ nostræ enarrandæ adjeci; cuius conatus fructum, virium referentem tenuitatem, benigno Lectoris judicio jam submitto. Dedi operam, ut nihil quod idoneis testimoniosis firmatum, probatisque ex fontibus, Actis Consistorii Academicorum, & aliis tutæ fidei monumentis, ipsaque librorum autopsi, haustum non esset, traderem aut affirmarem. Tribus Dissertationibus Academicis, quarum duæ posteriores proximo intervallo autumnali, si DEUS vitam viresque largiatur, lucem adspicient, opellam edere constitui, has modo paginas, temporis angustia aliisque rationibus jubentibus, hac occasione præmittens.

§. I.

Fennos vetustissimos, ante introductam in has oras armis curaque Sveonum, circa medium saeculi XII, religionem Christianam (cujus suscepti operis notitiam, passim

sim Historici nostri, tam Ecclesiastici quam Politici
 præbent) literarum tenuisse usum, ullaque adeo
 earum habuisse monumenta, nobis haud constat. Nulla
 enim illarum aut in lapidibus, cippisque sepulcralibus,
 aut in aliis vetustatis monumentis, reperiri potuerunt ve-
 stigia; multo minus suspicandi aliqua ratio est, libris
 majores nostros instructos fuisse. Ipsa conditio gentis,
 antiquissimis illis temporibus, quantum ex variis con-
 cludere rationibus, exterorumque de illa scriptorum te-
 stimoniis colligere possimus, nihil etiam tale sperare ju-
 bet. Atque hæc sine dubio una ex gravissimis cauſa
 est, cur vetustior Fennorum historia tam spissis & plus
 quam cimmeriis obducta jaceat tenebris, quarum un-
 quam dispellendarum vel tenuis vel nulla plane spes re-
 manet. Suppetit quidem in lingua nostra vox *Rirja*, &
librum & *epistolam* significans, cuius natales ex qua lin-
 gua extera repetam, non habeo; sed quo minus hinc
 concludamus, in literatura majores nostros antiquissimos
 aliquos fecisse progressus, obstat quod nec *literæ* apud
 nos domesticum vocabulum occurrat. Quin tamen su-
 as habuerint scientias suumque doctrinæ cultum, ad re-
 rum suarum conditionem adtemperatum, de quo hic
 pluribus disputare non vacat, dubitare omnino non li-
 cet. Christianis autem hoc translati sacris, & viros li-
 terarum peritos ad oram nostram commigrasse, & in-
 digenas earum usum sensim docuisse, extra dubium est;
 quod necessarium etiam ad novam religionem propa-
 gandam, & homines linguæ gnares huic operi, majore
 cum fructu præficiendos, saerisque administrandis qui
 idonei essent, simul formandoe, apprime fuit. Quam-
 quam non admodum magna in hoc negotio nec pruden-
 tia, nec diligentia, versatos fuisse homines, qui & pro sua
 indole & more facili in convertendis & illuminandis
 ethniciis vi atque armis quam argumentis & persuasione

uti malling, potiusque solerent, admodum probabile est. Necesse tamen fuit, ut ad literarum notitiam promovendam, paulatim aliqua instituta, ad hunc scopum tendentia, adhiberentur. Nec verosimilitudine caret, et jam hanc non levem fuisse caussam monasteriorum s. coenobiorum in hac regione condendorum, in quibus & pietatis & literarum studium simul promoveretur (a). Quos autem in his literarum palæstris nostri homines facere potuerint progressus, ex cæterarum hoc ævo gentium, & Sveonum in primis, qui suas huc apportabant literas, eruditione, quæ quidem valde tenuis erat, judicium fieri potest (b). Conabantur tamen sine dubio pro virili sua ista studia urgere. *Raumenfis* certe Schola, et jam post repurgatam religionem florens, & *Collegii Raumenfis* nomine celebris, atque *Wiburgensis*, cuius Rectoris D:ni *Jobannis Erasmi* cum laude meminit Reverend. JUUSTEN (c), nobiles atque præclaros discipulos

(a) Confr. de his omnibus quæ egregie disputat Reverend. RHYZELIUS *Monasteriol. Sveogoth.* L. VIII. p. 287 seqq. Vid. et jam *Historiae Academiae Aboëns.* sub Præsidio Cel. D. Professoris BILMARK editæ part. I. §. 1.

(b) Cum de doctrina mediæ ævi in genere, tum de insigni quem monasteria in ea tuenda tenebant loco, consuli possunt plurimi, & nostrates & exteri, Historiæ tam Ecclesiasticæ quam Literariæ Scriptores: inter quos non est indignus qui nominetur Dn. *Jobannes Rolott*, Gevaliensis, in Dissert. *De Professoribus Academieis*, Holmiae excusa 8:o, & Upsaliæ ventilata A. 1682; part. I. præf. *Claudio Arrhenio*, part. 2. præf. *Joh. Columbo*. Vide part. post. Sect. III. Art. 20 - 24. &c. p. 111. seqq.

(c) In *Chronico Episcopor. Finlandiæ*, egregio antiquitatis nostræ monumento, apud illustrem Dn. NETTELBLADT, *Schwedische Bibliothec*, Erstes Stück. p. 86.

los educarunt (*d*); quibus Aboënsis, utpote quæ ad templum Cathedrale & Episcopalem sedem viguit, palmam sine dubio non concessit (*e*). Unde factum, ut jam hoc ævo Finlandia viros doctos habuerit, qui in exteris quoque terris eruditionis gloria clari fuerint; ceu ex *Chronico Episcopor. Finlandiae* Reverendissimi JUUSTEN, passim videre est. Atque ad has literarum sedes, aliquas etiam, pro temporis & institutorum ratione, librorum fuisse collectiones, ut de aliarum nationum cœnobiosis scholique hujusmodi constat, Bibliothecarum licet vix nomine dignas, probabile est (*f*); quin templum Cathedrale Aboense, tali instructum fuisse librorum penu, luculentissimis testimoniis extra dubium ponitur (*g*). Has tamen

(*d*) RHYZELIUS l. c. c. III. p. 299. seqq. & c. VI. p. 308 seqq. Confr. JUUSTEN l. c. p. 83 & 86.

(*e*) RHYZELIUS l. c. L. VIII. præf. & c. I. p. 289 seq. Confr. JUUSTEN l. c. p. 83.

(*f*) Confr. Nob. v. STJERNMAN *Tal för Kongl. Wetenskaps Academien om de Lärda Wetenskapernas tillstånd i Svea Rike under Hedendoms och Påswedoms tiden*, p. 121 seq. Celeb. NORRELLI *Strictura in Bibliothecæ Upsaliensis Historiam* p. 26 - 35. Nob. CELSII *Bibliothecæ Regiae Stockholmiensis Historia*, p. 3 - 6. Cl. ALNANDER *Historia artis Typographicae in Svecia C. I.* §. I. RHYZELIUS l. c. p. 299. ROLOTT l. c. &c.

(*g*) JUUSTEN l. c. p. 70. de Episcopo Aboensi B. Hemmingo, qui obiit A. 1367, hæc habet verba: *Dedit Ecclesiae (Cathedrali) pretiosos libros Theologiae & Juris Canonici multos.* (Confr. Reverend. SPEGEL *Svenska Kyrko-Historiens Andra Del. 7. Bok. c. I.* p. 391.) & de vere magno Episcopo Magno Olai Tavast, p. 74: *Hic plurimos Theologiae & Juris libros, ad usum Ecclesiae acquisivit.*

tamen omnes Librarias jam pridem dissipatas esse, penitusque destructas, non mirabitur, qui noverit quot infestis hostium incursionibus, quot incendiis, aliisque malis, & tota hæc ora, & in primis Urbs Aboënsis, vexatae atque afflictæ fuerint (*b*). Hinc enim factum, ut nulli jam libri, ante emendata feliciter Sacra, publicis istis consecrati collectionibus, superesse atque ex communi evasisse naufragio deprehendantur. Neque nova aliqua, insignior quidem, primo post reformatam religionem sæculo, in Finlandia collecta fuit librorum supellex: vix enim nominari meretur, quam Templum hujus Urbis Cathedrale possedit, sensim sine dubio comparatam rursusque flammis infestatam, cujus reliquiae in Bibliothecam tandem Academicam immigrarunt; ut nec pauci illi libri, quos Schola Aboënsis, post Sacrorum emendationem florere pergens (*i*), sibi acquisivit, quorum itidem

B

melior

(*b*) Confr. *Diff. D:ni Renström, Historia Sveogothica deficiens & restaurata*, Præf. Celeb. Dn. SCARIN hic Aboæ edita, c. 2. Sect. 2. §. 3. STJERNMAN l. c. p. 121 - 125. RHYZELIUS & ALNANDER l.l. c.c. De frequentissimis autem quæ Aboam vastarunt incendiis, hostilibusque incursionibus, confr. Reverend. JUSLENII *Aboa Vet. & Nova*, c. 2. §. 11 & 15, p. 38 & 42, seq. Nob. GYLLENSTOLPE *Epit. Descript. Sveciae, Gothiae, Fenniae &c. Lib. VII. c. 6.* MESSENII *Scord. Illustr. Tom. X. p. 19, 20, 21, 25, 26, 35. T. V. p. 100 & 107. T. XV. p. 116 & 117.* & JUUSTEN apud NETTELBLADT l. c. passim, ut p. 69, 76, 77, 81, 85. In primis autem notari meretur quam p. 80 seq. describit crudelis Danorum irruptio, duce quodam Ottone Ruth, qui inter alia foeda & atrocias, spoliabant Ecclesiam Cathedralem - - - libris melioribus.

(*i*) Confr. *Historia Acad. Aboënsis* l. c. p. 4.

melior pars Bibliothecæ Academicæ cessit. Ad tempora
igitur institutæ hic Academiæ, quæ publica quoque, non
multo post, Bibliotheca ornata fuit, in quam tenues isti
rivuli confluxerunt, deinceps paucis describendi, statim
nos transferemus; faventiorem tandem indagini nostræ
feracioremque, desertis his peragratis, offensuri cam-
pum.

§. II.

Condita hic An. Dn. 1640, felicibus Auspiciis, fa-
vore Reginæ, Litterarum amantissimæ, deque earum in
Patria flore immortaliter meritæ, *Christinæ*, hortatu &
solicitatione excellentissimorum & meritissimorum viro-
rum, celebri *Christinæ* Academia (*a*), mox desideraba-
tur, Musis recens hoc translatis voluptatem, usum, sup-
petiasque præbitura Bibliotheca bene instructa; sine qua
in literis insignes progressus fieri, aut multa egregia præ-
stari non poterant. Tradunt viri de Historia Patriæ sum-
mis meritis clarissimi, Reginam idcirco statim post con-
ditam Academiam, Bibliothecam quoque hic fundasse
(*b*), regalique mactasle munificentia: sed hæc verba stricte
nimis non sunt interpretanda; nihil enim primis sex an-
nis nova Academia accepit, liberalitate Regia, librorum,
nec nisi biennio post acceptum munus Stålanskianum,
libris duplis Bibliothecæ Stockholmiensis aucta est, ut
infra

(*a*) Confr. ut cæteros multos taceam, WEXIONII
Natales Academiæ Aboënsis, & BILMARK *Hist. Acad. A-
boënsis l. c. §. 3.*

(*b*) Confr. Viri Nobiliss. STJERNMAN Aboa Lite-
rat. p. 10. CELSIUS *Bibliothecæ Reg. Stockb. Historia* §.
XV. p. 67. & ARCKENHOLTZ *Mem. concernant Christi-
ne Reine de Svede T. I.* p. 309 not. *

infra narrabitur (c). Nullos alios initio nacta est Libros Academia, quam qui Gymnasii fuerant Aboënsis, (cujus in locum successit,) An. 1627 a Gl. Memoriæ Rege GUSTAVO ADOLPHO hic instituti (d), & quos omnes Schola Aboënsis, antea hic florens, cujusque fundamenti Gymnasium superstructum quasi fuit, possèderat. Nec tamen totam hanc supellectilem, haud sâne lautam, Academia accepit. Dicit enim Nob. GYLLENSTOLPE *Oratione de Bibliothecis in genere, & in specie de Bibliotheca Regiae Acad. Aboënsis*, (impressa Aboë 1657 fol. de qua plura infra): *Primitus ex libris non multis Gymnasio, quod hic Aboë ante fundatam Academiam floruit, dicatis, pauci saltem Academicæ Bibliothecæ destinati fuere, ceteri Scholæ inferiori relicti sunt (e).* Paucos vere dicit, qui Academiæ viadictati sunt: erant enim 21 tantum volumina, 16 in folio, 2 in 4:0, 3 in 8:0; ut in Catalogo Bibliothecæ An. 1655 hic Typis vulgato, de quo postea loquemur, recensentur (f). Neque hi multi erant

B 2

pretii,

(c) Patet id satis, præter ea quæ mox adducentur testimonia, ex *Elencho libror. Bibliotheca Acad. Aboënsis*, A. 1655 fol. hic edito; cuius mentionem sæpius facturi sumus.

(d) Quem etjam in Academiam illud commutare cogitasse, narrat Rev. BAAZIUS *Inventar. Ecclesiæ Sveogothor. L. VII. c. VI. p. 760.* De ejus institutione confr. WEXIONII *Natales Acad. Ab. STJERNMAN Ab. Literat. p. 2.* ARCKENHOLTZ l. c. JUSLENIUS l. c. §. 13 p. 41. BILMARK l. c. §. 2. p. 7. quamquam in Anno institutionis leviter discrepant.

(e) Hi quot qualesve fuerint, ignoramus, quod omnes perierunt: sine dubio tamen primis tironum usibus erant accommodati.

(f) Confr. BILMARK l. c. p. III. §. VII. p. 43.

pretii, ut ex eodem videre licet Catalogo. Accesserunt Globi insuper duo, unus cœlestis alter terrestris, diametri unius circiter pedis. Omnia hæc servat adhuc Bibliotheca Academica, præter libros 8:væ formæ, qui perierunt. Adscripta fronti aut margini librorum, annotatio, docet eos Scholæ Aboënsis fuisse, & ab An. Dn. 1606, ad An. 1627 emtos, aut dono acceptos. (g) Nulla itaque post Scholam in Gymnasium commutatam, librariæ illius supellex cepisse videtur incrementa. Libri hi omnes a medio sæculi XVI ad initium XVII impressi sunt.

§. III.

(g) Ad memoriam conservandam præclarorum virorum, qui literarum in patria sua promovendarum studio, hos Libros Scholæ Aboënsi donasse reperiuntur, opemque forte aliquam illis, qui Historiæ nostræ literariæ illustrandæ operam consecrare voluerint, adferendam, contenta annotationum istarum hic adponemus: Munsterris Cosmographiam (Bas. 1572.) Scholæ Aboënsi in Testamentum M. Marcus Henrici (Helsingius), ejusdem olim Rector meritissimus legavit An. 1609 in Januario; qui eundem librum emerat Vittebergæ 1592. Ex ejus suppellectili libraria ejusque in memoriam, Scholæ Aboënsi in testamentum etiam relictus fuit Tilem. Heshusii Comment. in Psalmos &c. (Helmst. 1587.) 1609 6 Julii. Gregorii Nazianzeni opera, Lat. (Bas. 1571.) eidem Scholæ donavit cum hypodidascalatu quadriennali abiret, & in Germaniam iter institueret Gabriel Petri Melartopæus Reginensis, 1606 XVI Calend. Junii, quibus missis Aboënsibus solenniter valedixit; qui Rector deinde ejusdem Scholæ, manu sua testatus est Horatium (cum comment. Cruquii & Douſæ, ex offic. Plant. Raphelengii 4:o 1611) emtum esse in Usum Scholæ Aboënsis 3 Thaleris sumtis ex ære D. Annæ Beronis ad Harwila Testamentario, An. 1621, 9 Julii. Confr. de hoc viro merit. Episcopo demum Wiburgensi facto, RHYZELIUS Episcoposc. Svio-

§. III.

Quod autem brevi sentirent Patres Academicci, quam difficulter, tanta librorum penuria laborantes, literas, eo quo decebat ardore excolere, bonarumque artium studia urgere possent, mature de Bibliotheca augenda curam fovere consiliaque agitare coeperunt. Itaque jam An. 1640 Dn. Mag. Johanni Olai Dalekarlo (STJERNHÖÖK), Juris Professori, Stockholmiam d. 16 Decembris proficisciendi, in mandatis dabat Senatus Academicus, ut apud faventissimum vereque Maximum hujus Academiæ Mæcenatem Illustriss. Comitem PETRUM BRAHE Regni Senatorem &c, de Bibliotheca adipiscenda ageret (b). Item An. 1643 Dn. Doctori Åeschillo Petraeo, Theolog. Professori Primario, ad Comitia Stockholmiam eundi, commissum fuit, ut exquireret an aliqua alicubi reperiretur Bibliotheca, qua illic locorum carere posset publicum, huic Academiæ insigni emolumento & ornamento futura (i). Scilicet moris tum fuit Ducibus Imperatori-

B 3

busque

goth. L. IX. c. 2. qui locus hinc opem aliquam accipere potest. Scapulæ Lexicon, (Bas. 1594.) post obitum Dn. Job. Clementis Mentz, Pastoris olim Cumoënsis, ab heredibus illius Scholæ Aboënsi legatum esse in Testamentum An. 1606, testatur Joachimus Stutæus, Ostrob. Virgilius, (cum Comment. Donati & Servii Bas. 1551) ex testamento M. Gregorii Teiti accessit Scholæ Aboënsi, procurante M. Joach. Stutæo, Rectore Scholæ ejusdem An. 1615, d. 19 Maji. Apiani Cosmographiam (Col. 1574. 4:0) Jobannes Abamœus M. Martini Henrici filius, olim Aboënsis Scholæ Rectoris Annos decem & quatuor, pro institutionis sue gratitudine & memoria Scholæ Aboënsi dono dedit An. 1627, IV non. Aprilis.

(b) Protoc. Consist. Acad. An. 1640, d. 12 Decemb.

(i) Protocoll. An. 1643 d. 23 Sept.

busque nostris, vicitria per Germaniam &c. arma circumferentibus, inter bellorum strepitus de Literarum in Patria flore commodisque promovendis, natalique solo hostium spoliis etjam literariis ornando cogitare, & integras Bibliothecas, belli jure captas, in Sveciam transmittere; quare suspicabantur Academicici nostri, talem aliquam latere adhuc alicubi, qua hoc Lyceum ornari, adeoque in partem prædæ istius literariæ, qua Upsaliensis & Stockholmiensis Bibliothecæ tam insigniter auctæ sunt, posset venire. Sed successum aliquem his moliminibus adhuc respondisse, non apparet. An. certe 1645, nullo adhuc augmento librariam Academiæ nostræ supellectilem locupletatam fuisse reperimus (*k*). Quamobrem neque Bibliothecario aliquo hactenus opus fuit, neque peculiari atrio libris servandis dicato, qui in loco, Consistorio Academico habendo adhibito, una cum Archivo Consistorii, interea asservabantur (*l*). Patet tamen ex Actis Consistorii, a. jam 1644 duos fuisse Professores Typographiæ & Bibliothecæ *Inspectores* constitutos, *Doct.* nempe *Æsch. Petræum*, & *M. Johannem Olai Dalekarlum* (*m*). Curam etjam in id intendebant Patres Academicici, ut *liber ex Charta pura eleganter compactus pararetur*, in quem inscriberentur libri omnes, cum *Gymnasio* (*Schola*) *Aboënsi* olim dono dati, tum quos Academicæ postea donatum iri sperabant. (*n*) Qui liber in 4:ta Forma compactus, adhuc supereft, sed paucorum tantummodo Pastorum Eccl. maxime Ostrobotniensium, nominibus ornatus (ut postea docebitur); nec libri Gymnasio aut Scholæ donati in eum inscripti reperiuntur. Reticendum autem

(*k*) Vide Protoc. Consist. Acad. An. 1645 d. 5. Mart,

(*l*) ibid. l. c.

(*m*) Protoc. d. 22 Maji 1644.

(*n*) Protoc. An. 1644 d. 30 Octob,

tem non est, quod cum liber iste perfectus Consistorio Academico exhiberetur (An. 1645 d. 5 Mart.), decreverunt Patres *ut Notarius (Secretarius) Academiæ cum eodem visitaret Generosiss. D. Supremi in Finlandia Dicasterii Præsidem (JOH. KURCK)*, aliosque majoris dignationis viros, qui ex aliis oris hic advenire possent (o); sine dubio, ut ad musarum nostrarum inopia succurrendum, & librariam augendam nascentis Academiæ supellectilem, permoverentur: quod tamen consilium an executioni datum sit, non constat. Mansit certe Bibliothecæ conditio æque paupera & tenuis, usque dum anno sequenti Generosiss. Dn. STÅLHANDSKII eximia liberalitate sublevaretur.

§. IV.

Primum igitur donatæ Regio huic Auraico Lyceo collectionis librariæ, quæ quidem Bibliothecæ nomine insigniri queat, laus sine controversia Fortissimo debetur bellatori, Equitatus Duci Generali, nec non Cohortis unius Equestris & pedestris Tribuno, Generosissimo D:no THOR-STANO STÅLHANDSKE, Hæreditario in Hummelsund,
Öfverby

(o) Locum totum de hac re agentem, animi causa, ex *Protocollo Consistorii Acad. an. 1645. d. 5 Mart.* transcribemus: Dito Fridric Ellers Acad. Bokbindare hafwer för the gamle papper som han hådan ifrån Consistorio tagit hafwer, skänkt och gifvit til Acad. Bibliothek en ansenlig och förgylt bok in 4:to, theruti alle böcker ssvla inskrifwas, som för detta här in Consistorio liggia, eller framdeles til Academiens Bibliothek gifwas och skänkias funna. Med hwilken bok Notarius Academiæ skal besöka H. N. Præsidenten och andre fornämlige som hit ifrån andra orter lända funna.

THESES RESPONDENTIS.

Th. I. Fundamentum idearum innatarum, est sensatio.

Th. II. Parum, aut nihil potius, Psychologiæ profuit ejus in Empiricam & Rationalem facta divisio.

Th. III. De *essentia* & animæ & corporum lites, inanes omnes sunt.

Th. IV. Systema Ontologiæ, rescissis notionibus inutilibus, distinctionibus frivolis, controversiis vanis, propositionibus quæstionibusque otiosis, plagulis decem completum absolutumque, modica Typorum Forma, exornari posse credimus.

Th. V. Jus naturæ fingere, non præsupposita idea DEI, vanum est & absolum.

Th. VI. Officia erga alios recte dispescuntur in negativa & affirmativa.

Th. VII. Datur omnino quantitas, eaque realis, quæ est minor nihilo.

Th. VIII. Ex iisdem rectis lineis figuræ possunt inæquales constitui.

Th. IX. Inter caussas, cur nostro quam majorum ævo cives nostri debilioribus sint corporibus, victus lauator, & vestes ad speciem magis, exterorumque imitationem, quam ad usum accommodatæ, merito numerantur.

Th. X. Qui *Actionis* egregiæ studium, nostro ævo oratoribus minus esse necessarium putant, maxime falluntur.

Th. XI. Elegantiores Literas (Belles Lettres, Bitterhet), plus utilitatis hominibus adferre, quam abstractas plurimorum Philosophorum speculationes, quibus dubium videtur, non multum sapiunt.

Th. XII. Si rebus nullis, nisi utilibus, solidis, cognitioneque nostra vere dignis, studeremus, quanta strages plurimis scientiis inferretur!